

## Susi N.'s Sprüche 2008

Seit begrüßt ihr lieben Gäst,  
zu unam heutigen Nachkermesfest  
Ich mochs ganz ehfach kurz und schnell,  
mit dam ewichen vürgestell.  
Aus da Strass dös Friedens stamm ich raus,  
genau gesocht , aus dam Nossekshaus.  
Dös is beim Jack gleich gegenüber,  
net unten drunter, sondern ubendrüber.  
Vom Maik bin ich die erschte  
und mei Opa Heinz trinkt gern dös bekannte Getränk aus Gerschte.  
Im Wärkzeuchbau unda seina Wärbänk stärt imma a Bier,  
und rackern tut a dort noch immer wie a Stier.  
So, wer mich jetzt noch imme net kennt,  
da hat wuhl die gonza Velsdörper Kermes verpennt.



Vivat

Mitm Olli hab ich heuer dann Kermesvertrach gemacht,  
aber hab mir dös wohl net so gut bedacht.  
Immer mit Weibern unterwachs und betrunken,  
wenn ich ne ma gebraucht hab, da war ah verschwunden.  
Die Nächte hata durchgemacht,  
ach ihr Leut, war dös a Schlacht.  
Zu guter Letzt hata noch wos falsch verstanna  
und schwup di wupp ho ich mit am Heiratsantrach una dam Mäm gestanna.

Vivat

Doch ich ku euch soch, all euch lieben,  
im Laben muss es a ma Missverständnisse geben.  
Und so is und bleibt a für mich a dicker Freund,  
döshalb wärd da Sool heut nochma ordentlich aufgeräumt.

Vivat

Dann Straffrekord hat mei Blotza bis heuer gehobt,  
bis da Krech hat mitgemacht !!!  
Er hot dös maximale an Straff rausgeholt,  
ich glebb, die Kermes is fost bezohlt.

Vivat

Unter Schutz muss ich ne trotzdem nam,  
Better wie kus dös nur gegam.  
Die Strafen warn wärklich ganz schö groß,  
da hot sich kenna getraut zu warfen an Klos.  
Vivat

Nur ma so am Rande,  
wir sann heuer wida a ganz schönna Saubande.  
Die Enn, die tun nur saufen,

annere trotz verbotes im Sool drin rauchen.  
Die Eh liegt nur im Schlüpfen rüm  
und halb Velsdorf stätt drüm rüm.  
Fischbrüh wärd in die Unterhusen nei geschütt,  
dös da so mancha wärd verrückt.  
Nackig warn ma natürlich auch,  
dös is bei uns scho festgelegter Brauch.  
Doch ich gläb da is es jetzt gescheita,  
zu erzähl da net noch weita.

Vivat

Es muß ich euch trotzdem erzill,  
denn una Kristina is manchma net ganz so still  
Die Kristina, dös is a Villa, beim Olli wuhnt die gleich nabendru und  
zur Kermesprobn schleppte die dann Oppelsbasti u.  
Doch nach enner Probn war dös scho vorbei  
und stätt seit dam mitm Markus in dara Reih.

Vivat

Nach a weng Frohsinn und Heiterkeit,  
is una Kristina sehr schnell breit.  
Doch weil se sich dann Markus hot ugelacht,  
wärd se von dam immer Hemm gebracht.  
Mitm Auto schnell nach Haus gefahrn, dös is bekannt,  
kam una Kristina wida ugerannt.  
Schneller als dös Gefährt war se sogar  
und stand beim eintreffen der Heimbringer scho wida an da Bor.  
Da Markus war total perplex  
und musst sich auf dan Schock erscht ma setz,  
Du denkst wohl ich bin plem plem,  
ab heut gehste allee hem.

Vivat

Markus, es klingt vielleicht a wenig fatal,  
aber una Kristina is scho Inventar in dalM Saal.

Vivat

So gett a schönna Kermes wida a mol zu End,  
sehr schö war se, denn ich hab ke esichst mol verpennt.  
Spaß und gute Laune hot ich sehr viel dabei,  
und vielleicht stäh ich im nächstn Johr wida in dara Reih

Vivat

Mei Blotza soll leben und sein Elternhaus daneben

